

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Paasissutissiissutit

Imm. 02 2008-mi septemberip naanerani aningaasaqarneq pillugu nalunaarussiaq.

Imm. 03 Pinngortitaq pillugu naammagittaalliuuteqartarfik.

Imm. 04 Palaseqarfiit agguataarneqarnissaat pillugu nalunaarutissatut siunnersuutip tusarniutigineqarnerata paasissutissiissutigineqarnera.

Imm. 05 Qamutunik motorinik ingerlatilinnik inissiisarnerup nakkutigineqarnerata kommuninit isumagineqarsinnaanera pillugu tusarniaaneq.

Imm. 06 Ilagiit pillugit inatsisartut peqqussutissaata nutaap tusarniutigineqarnera pillugu paasissutissiissut.

Imm. 07 ILO-mi tunngaviusumik isumaqatigiissutit atsiorneqarnissaat pillugit tusarniutip paasissutissiissutigineqarnera.

Imm. 08 Inissianik attartortitsisarneq pillugu inatsisartut peqqussutaata allanngortinneqarnissaanut tusarniut pillugu paasissutissiineq.

Aningaasaqarnermut tunngasut

Imm. 09 2009-miit 12-imut missingersuutissatut siunnersuut.

Imm. 10 Kangerlussuarmi fritidsklubbimi sulisut amerlineqarnissaanik qinnuteqaat.

Imm. 11 Ataatsimoortumik tapiissutit kontomut immikkut aningaasaliissutissatut eqqartorneqarnissaanik qinnuteqaat.

Imm. 12 Maniitsumi qatserisarfimmi aalajangersimasumik atorfiup qaffanneqarnissaa.

Imm. 13 Taartisissutissatut tapiissutit immikkut aningaasaliissutissatut qinnutigineqarput.

Suliassat nalinginnaasut

Imm. 14 Qeqqata Kommuniani politikikkikut akisussaaffiit agguataarneri Kommunip piler-saarutaanut tapiliusaaq.

Imm. 15 Kommunep unnuisarfia; Kangaamiut.

Imm. 16 Tamalaat.

Ataatsimiinneq aallartippoq nal. 08.30

Peqataasut:

Atassut

Søren Alaufesen

Kristian Kerutzmann, Karl Davidsen taarserlugu

Bitten Heilmann

Demokraatit

Inuit Ataqtigiit

Agathe Fontain

Katrine Larsen Lennert

Mimi Karlsen – Imm. 14. ilanngullugu peqataavoq

Beathe Poulsen

Siumut

Hermann Berthelsen

Karl Lyberth – Imm. 14. ilanngullugu peqataavoq

Evelyn Frederiksen

Alfred Olsen

Efraim Olsen – Imm. 14. ilanngullugu peqataavoq

Hans Frederik Olsen

Morten Siegstad

Nalunaaruteqarlutik peqataanngitsut:

Karl Davidsen (A)

Palle Christiansen (D)

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Oqaluuserisassat akuersissutigineqarput

Imm. 02 2008-mi septemberip naanerani aningaasaqarneq pillugu nalunaarussiaq

Journalnr. 06.00

Nassuiaateqartoqassaaq.

Aalajangiineq

Tusaatissatut tiguneqarpoq.

Ilanngussaq

1. Sisimiut Kommunia
2. Maniitsup Kommunia

Imm. 03 Pinngortitaq pillugu naammagittaalliuuteqartarfik

Journalnr.

Tunuliaqutaq

Qeqqata Kommuniata Pinngortitap illersorneqarnera pillugu naammagittaalliuuteqartarfik pillugu nalunaarutissatut tusarniutaasoq aggustip 6-ni 2008-mi tiguaa.

Maleruagassatigut tunngavissaq

Nalunaarutiliassaq inatsisartut pinngortitamik illersuineq pillugu inatsisaata nr. 29 decembarip 18-ni 2003-meersup § 58-ia naapertorlugu suliaavoq.

Pissutsit atuuttut

Siusinnerusuklut Pinngortitap illersorneqarnera pillugu naammagittaalliuuteqartarfik pillugu nalunaarutissatut siunnersuut novembarimi 2005-imi tusarniutaanikuuvoq. Tamatuma malitsigisaa-nik naalackersuisoqarfimmi pinngortitap illersorneqarnissaa pillugu naammagittaalliuuteqartarfis-saq naammagittaalliuuteqartarfimmi piusumi, Namminersornerullutik Oqartussani aaqqissuusseq-qinnermut atatillugu allanngortitaasumut, inissinneqarsinnaanersoq nalilersuiffiginikuuaa. Siunnersuut nutaaq nassiuuneqartoq annertunerusutigut allannguuteqartitaanngilaq.

Qeqqata Kommuniani Ikaarsaariarnermi ataatsimiititaliap siulittaasuata septembarip 8-ni 2008-mi KANUKOKA-mut Qeqqata Kommuniata oqaaseqaatiginiagai nalunaarutigivai.

Tusarniummut akissuteqarnermini Qeqqata Kommuniata Namminersornerullutik Oqartussat nalunaarutissatut siunnersuutip arlalitsigut allanngortinneqarnissaa kajumissaarutigivaa.

Siullermik siunnersuutip § 4-ani imm. 1-imi takuneqarsinnaavoq, suliassatut tulluutinngitsutut naliliiffigineqartut Pinngortitap (illersorneqarnera) pillugu Naammagittaalliuuteqartarfik suliariumannngissinnaanissaanut periarfissaqartinneqassasoq.

Ataatsimiititaliami suliassat suut suliarineqartassanersut pillugit killissarititaasut pinngortitamik illersuineq pillugu inatsisartut inatsisaanni nr. 29-imi decembarip 18-ni 2003-meersumi takuneqar-sinnaareermata, tassalu inatsit naapertorlugu imaluunniit tunngavigalugu aalajangiisimanerit.

Taamaammat Pinngortitap (illersorneqarnera) pillugu Naammagittaalliuuteqartarfik inatsit aqqu-tigalugu qilersugaavoq, naammagittaalliuutillu aatsaat inatsimmi piumasaqaatinik naammassinnissi-manngippata suliassatut tigujumannngissinnaallugit.

Tamanna Qeqqata Kommuniata tusarniummut akissuteqarnermini maluginiaqquaa aalajangersak-kallu peerneqarnissaa allatulluunniit oqaasertalerneqarnissaa kajumissaarutigalugu, taamaalilluni inatsisip piumasarisai malinneqaqqullugit.

Tulliullugu siunnersuutip § 5-iani takuneqarsinnaavoq, Naammagittaalliuuteqartarfiup aalajangi-gaasa tamanut saqqumiunneqarnissaat, taamaattoqassappallu tamannalu saqqummiussinerup qanoq pinissaa Pinngortitap illersorneqarnera pillugu Naammagittaalliuuteqartarfiup aalajangiiffigissavaa.

Qeqqata Kommuniata tusarniummut akissuteqarnermini allappaa, Qeqqata Kommunian isumaqartoq, siunnersuutip § 5-iani aalajangersagassatut siunnersuut imatut isumaqartitsilersinnaasoq, Pinngor-titap (illersorneqarnera) pillugu Naammagittaalliuuteqartarfiup tamanut saqqumiunniakkani nalinginnaasumik pisortat ingerlatsinerata allaffissornikkut malittarisassaanut sanilliullugu killilersimaarpallaalissagai, matumani paasitinneqarsinnaatitaaneq pillugu malittarisassat ilanngullugit.

Tamaammat Qeqqata Kommuniata kaammattuutigissavaa, aalajangersagassaq nalinginnaasumik pisortat ingerlatsinerata allaffissornikkut malittarisassaanut naapertuuttunngorlugu allanngortinneqassasoq, imaluunniit malittarisassatut siunnersuut peerneqassasoq.

Tamatuma saniatigut Qeqqata Kommuniata kaammattuutigissavaa, Pinngortitap (illersorneqarnera) pillugu naammagittaalliuuteqartarfiup aalajangigai Internet aqputigalugu tamanut saqqummiunneqartassasut, taamaalilluni innuttaasut, kommunit, pisorta qarfiillu allat ajornaatsumik aalajangersakat imarisaannik ujartuisinnaaqullugit.

Naggasiullugulu Qeqqata Kommuniata maluginiaquaa, siunnersuutip kalaallisuuani kukkuneq pisimagunarmat, tassa Pinngortitap illersorneqarnera pillugu Naammagittaalliuuteqartarfimmi oqaatsip illersorneqarnera siunnersuummi tamatigut atorneratigut, "Naturbeskyttelsesklageudvalget" pineqarmat. Qeqqata Kommunian isumaqarpoq, oqaaseq illersorneqarnera Naturklageudvalgimi ilanngullugu atorneratariqaanngitsoq, pineqartup suunera qimannikkaluarlugu.

Aningaasaqarnikkut allaffissornikkullu kingunerisinnaasai
Immikkut oqaaseqaatitassaqaanngilaq.

Allaffeqarfiup naliliinera
Immikkut oqaaseqaatitassaqaanngilaq.

Ikaarsaariarnermi ataatsimiititaliap siulittaasuata suliamik suliaqarnera
Qeqqata Kommunian Ikaarsaariarnermi ataatsimiititaliap siulittaasuata KANUKOKA-mut Qeqqata Kommuniata oqaaseqaatiginiagai septembarip 8-ni 2008-mi nalunaartuigivai.

Innersuussut

Innersuussutigineqassaaq, Ikaarsaariarnermi ataatsimiititaliap suliaq tusaatissatut tigussagaa.

Aalajangiineq

Innersuussutigineqartoq akuersissutigineqarpoq.

Ilanngussat

1. Tusarniaanermi KANUKOKA-miit atortussat
2. Qeqqata Kommuniata tusarniutaasumut akissutaa

**Imm. 04 Palaseqarfiit agguataarneqarnissaat pillugu nalunaarutissatut siunnersuutip
tusarniutigineqarnerata paasisutissiissutigineqarnera**

Journalnr.

Tunuliaqutaq

Palaseqarfiit agguataarneqarnissaat pillugu nalunaarutissatut siunnersuut tusarniutigineqartoq Qeqqata Kommuniata 2008-mi juulip 8-ni KANUKOKA-mit tiguaa.

Tusarniutigineqartumut kingusinnerpaamik akissuteqarnissaq 2008-mi juulip 24-anut killeqartinneqarpoq.

Maleruagassatigut tunngavissat

Ilagii pillugit inatsisartut peqqussutaat nr. 15, 1993-imi oktobarip 28-aneersaq.

Pissutsit atuuttut

Kulturimut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup allakkatigut 2008-mi juulip aappaaneersutigut palaseqarfiit pillugit nalunaarutissatut siunnersuut KANUKOKA-mut tusarniutigalugu nassiuppaa.

Kommunerujussuit sisamat assigalugit palaseqarfiit sisamanut agguataarneqarnissaat Naalakkersuisoqarfiup naleqquttuusorinngilaa. Taamaattumillu maannakut palaseqarfiusut pigiinnarneqarnissaat Naalakkersuisoqarfiup siunnersuutigalugu.

Taarsiullugu Naalakkersuisoqarfiup siunnersuutigaa, kommunit agguataarneqarnerisa avataanni sumiiffinnut sullissinissamik akisussaaffik allangortinneqassasoq, taamaasilluni akisussaaffik Avannaata Provsteqarfianut tunniunneqartussanngorlugu.

Aningaasaqarnikkut allaffissornikkullu kingunerisinnaasai

Siunnersuut Qeqqata Kommunianut aningaasaqarnikkut allaffissornikkullu kinguneqaatissaqanngilaq.

Allaffeqarfiup naliliinera

Allaffeqarfiup nalilerpaa, Qeqqata Kommunian siunnersuummut oqaaseqaatissaqanngitsoq.

Ikaarsaariarnermi ataatsimiititaliap siulittaasuata suliamik suliarinninnera

Qeqqata Kommunian siunnersuummut oqaaseqaatissaqannginnerarlugu Qeqqata Kommunian Ikaarsaariarnermi ataatsimiititaliap siulittasua KANUKOKA-mut 2008-mi juulip 23-ani nalunaaruteqarpoq.

Innersuussut

Innersuussutigineqassaaq, Ikaarsaariarnermi ataatsimiititaliap suliaq tusaatissatut tigussagaa.

Aalajangineq

Innersuussutigineqartoq akuersissutigineqarpoq.

Ilanngussat

1. KANUKOKA-mit tusarniut
2. Tusarniummut Qeqqata Kommunian akissuteqaataa

**Imm 05 Qamutininik motorinik ingerlatilinnik inissiisarnerup nakkutigineqarnerata
kommunitit isumagineqarsinnaanera pillugu tusarniaaneq**

Journalnr.

Tunuliaqutaq

KANUKOKA-p juunip 11-ni 2008-mi mailikkut Ikaarsaariarnermi Ataatsimiititaliaq qinnuigivaa, qamutininik motorinik ingerlatilinnik inissiisarnerup nakkutigineqarnerata kommunitit isumagineqarnissaa kissaatigineqarnerasoq pillugu KANUKOKA-mut kingusinnerpaamik juunip 16-i 2008-mi nalunaarutigeqqullugu.

Maleruagassatigut tunngavissat

Kalaallit Nunaanni aqqusinertigut angallannermut inatsip § 55 a, inatsit nr. 832 decembarip 18-iani 1991-imeersoq, inatsit nr. 497-ikkut juunip 17-iani 2008-meersukkut allanngortinneqartoq.

Pissutsit atuuttut

Kalaallit Nunaanni aqqusinertigut angallannermut inatsimmi allannguutissamut siunnersuummut tusarniaanermut atatillugu KANUKOKA-p tusarniaanermi akissut Namminersornerullutik Oqartusanut nassiuppaa, tassani takuneqarsinnaalluni Nuup Kommuneata ilaatigut qamutininik motorinik ingerlatilinnik inissiisarnerup nakkutigineqarnerata kommunitit isumagineqarnissaata atuutilersineqarnissaa kissaatigigaa.

Tamatuma kingorna apriliip 12-ani 2008-mi nassiunneqartoq Justitsministerieqarfiup inatsimmik siunnersuut allanngortippaa.

Inatsimmut siunnersuut juunip 10-ani 2008-mi Folketingimi akuersissutigineqarpoq, oktobarillu aallaqqaataani 2008-mi atuutilissalluni.

Inatsimmi § 55 a, imm. 1-ani siunnersuutaasumi takuneqarsinnaavoq, qamutininik motorinik ingerlatilinnik inissiinermi uninngatitsinermilu maleruagassanik unioqqutitsisumut akiliuteqartitsinissamut kommunalbestyrelsit pisinnaatitaaffigissagaat justitsministerip aalajangersinnaagaa. Aammattaaq maleruagassiorsinnaasoq, qamutininik inissiisarnerup nakkutigineqarnera kommunimit ingerlanneqarnerani justitsministeri, § 55 a, imm. 5-itut siunnersuut takuuk.

Tassunga atatillugu Justitsministerieqarfiup KANUKOKA piumaffigivaa, qamutininik inissiisarnerup nakkutigineqarnerata kommunitit isumagineqarsinnaanera kissaatigineqarsinnaanersoq ilisimatitsissutigeqqullugu, taamaattoqassappammi, aaqqiissummik atuutilersinneqartussamik § 55 a-mut naapertuuttumik aalajangersarneqartussamik Justitsministerieqarfik nalunaarummik siunnersuusiorniassammat.

Allaffeqarfiup naliliinera

Allaffeqarfiup nalilerpaa, qamutininik motorinik ingerlatilinnik inissiisarnerup nakkutigineqarnerata kommunitit isumagineqarnissaa maannakkut pisariaqartinneqanngitsoq.

Qamutininik motorinik ingerlatilinnik inissiisarnerup nakkutigineqarnerata kommunitit isumagineqarnissaa Qeqqata Kommuniata siunissami kissaatiginartilissappagu aqqusinertigut angallannermut inatsisikkut nalunaarutinilu tunniunneqartuni tamanna periarfissaavoq. Taamaalilluni tassunga tunngatillugu kommunep isumaminik allannguisinnaanissaanut tusarniaanermi akissutip akimmisissanngilaa.

***Ikaarsaariarnermi Ataatsimiititaliap oktobarip 17-ani 2008-mi ileqquusumik ataatsimiinnerata
05/2008-p imaqarniliornera***

Ikaarsaariarnermi Ataatsimiititaliap siulittaasuata paasiniaareernerata kingorna juunip 16-i 2008-mi Qeqqata Kommuniata KANUKOKA nalunaarfigaa, qamutininik motorinik ingerlatilinnik inissiisarnerup nakkutigineqarnera kommuninit isumagineqarnissaa pisariaqartinneqarsorinagu.

Innersuussut

Suliaq tusaatissatut tiguneqassasoq Ikaarsaariarnermi Ataatsimiititaliamut innersuussutigineqarpoq.

Aalajangiineq

Innersuussutigineqartoq akuersissutigineqarpoq.

Ilanngussat

1. KANUKOKA-mit mailisiaq
2. Qeqqata Kommuniata akissuteqaataa.

Imm. 06 Ilagiit pillugit inatsisartut peqqussutissaata nutaap tusarniutigineqarnera pillugu paasissutissiissut

Journalnr.

Tunuliaqutaq

Ilagiit pillugit inatsisartut peqqussutissaattut siunnersuut tusarniutigineqartoq Qeqqata Kommuniata 2008-mi juunip 10-ani KANUKOKA-mit tiguaa.

Tusarniutigineqartumut kingusinnerpaamik akissuteqarnissaq 2008-mi juulip 4-nut killeqartinneqarpoq.

Maleruagassatigut tunngavissat

Ilagiit pillugit inatsisartut peqqussutaat nr. 15, 1993-imi oktobarip 28-aneersaq, inatsisartut peqqussutaatigut nr. 18-ikkut, 1998-imi novembarip 6-ianeersutigut allanngortinneqarsimasoq siunnersuutip taarsissavaa.

Pissutsit atuuttut

Kulturimut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup allakkatigut 2008-mi juulip 3-aneersutigut Ilagiit pillugit inatsisartut peqqussutissaattut siunnersuut KANUKOKA-mut tusarniutigalugu nassiuppaa.

Peqqussummi pingaarnersatut siunertarineqarpoq, ilagiit kalaallit allaffissuutiginerisa pisariillisarneratigut ataatsimuulersissallugit taamatullu nakussassallugit. Tamatuma kingunerissavaa, qitiusumik allaffissornermi suliat ilaat annertuut Naalakkersuisoqarfiup isumagisartagai biskoppimit isumagineqartalissapput, imaalillugit susassaqarfiup taassuma iluani suliaassat siunissami inunnit suliaassanut pisinnaasalinnit sulialtalissallutik.

Allannguutissaq pingaarutilik alla tassaavoq, provsteqarfinni ataatsimiititaliat atorunnaarsinneqartussaanerat, taakku ullumikkut provsteqarfiit ukiumoortumik missingersuutissat suliarisarmassuk. Provsteqarfinni ataatsimiititaliat suliaasaat siunissami provstimit isumagineqartalissapput, allaffimmi pisortaq ikiortigalugu aammalumi palasi ilagiillu sinniisaat suleqatigalugit.

Aningaasaqarnikkut allaffissornikkullu kingunerisinnaasai

Siunnersuut Qeqqata Kommunianut aningaasaqarnikkut allaffissornikkullu kinguneqaatissaqanngilaq.

Allaffeqarfiup naliliinera

Allaffeqarfiup nalilerpaa, Qeqqata Kommunian siunnersuummut oqaaseqaatissaqanngitsoq.

Ikaarsaariarnermi ataatsimiititaliap siulittaasuata suliamik suliarinninnera

Qeqqata Kommunian siunnersuummut oqaaseqaatissaqannginnerarlugu, Qeqqata Kommunian Ikaarsaariarnermi ataatsimiititaliap siulittasua KANUKOKA-mut 2008-mi juulip 23-ani nalunaaruteqarpoq.

Innersuussut

Innersuussutigineqassaaq, Ikaarsaariarnermi ataatsimiititaliap suliaq tusaatissatut tigussagaa.

Aalajangiineq

Innersuussutigineqartoq akuersissutigineqarpoq.

Ilanngussat

1. Tusarniut KANUKOKA-mit nassiunneqartoq.
2. Tusarniummut Qeqqata Kommunia akissuteqaataa

**Imm. 07 ILO-mi tunngaviusumik isumaqatigiissutit atsiorneqarnissaat pillugit tusarniutip
paasisutissiissutigineqarnera**

Journalnr.

Tunuliaqutaq

ILO-mi isumaqatigiissutit tullinnguuttut Kalaallit Nunaata atsiornerai apeqqutigineqarluni
KANUKOKA-mit tusarniut Qeqqata Kommuniata 2008-mi juulip pingajuani tiguaa:

- Aaqqissuussinnaatitaanermik pisinnaatitaaffik aamma ataatsimoorussanik isumaqatigin-
ninniarinnaaneq pillugu isumaqatigiissut nr. 98
- Suliamut assigiimmik naleqartumut sulisunut angutinut arnanullu assigiimmik akissarsiaqar-
nissaq pillugu isumaqatigiissut nr. 100
- Suliffeqarnermut aamma inuutissarsiuteqarnermut tunngatillugu assigiinngitsumik pineqar-
tarneq pillugu isumaqatigiissut nr. 111
- Sulisinnaalernissamut ukiorisatigut killigititassaq pillugu isumaqatigiissut nr. 138
- Meeqqanik sulisitsinermi iliuitsit ajornerpaat inerteqqutaalernissaat aamma ingerlaannartu-
mik atorunnaarsitsinissamut suliniuteqarnissaq pillugu isumaqatigiissut nr. 182

Tusarniutigineqartumut kingusinnerpaamik akissuteqarnissaq 2008-mi aggustip sisamaanut killiler-
neqarsimavoq.

Maleruagassatigut tunngavissat

Qallunaat Nunaata isumaqatigiissutinik akuersinera Kalaallit Nunaannut atuutinnginnera pillugu
Kalaallit Nunaat nammineerluni akuersisariaqarpoq.

Pissutsit atuuttut

ILO FN-ip Nunarsuaq tamakkerlugu suliniaqatigiiffissuarivaa, nunarsuarmi suliffeqarfinni pissutsit
inuttullu atukkat pillugit pitsannorsaanermik suliaqarnissamik siunertaqartoq.

Namminersornerullutik Oqartussat Inuussutissarsiornermut piginnaasaqarnerulernissallu ineriartor-
tineqarneranut isumalioqatigiissitaata 2008-mi siullermeerluni ataatsimiinnermini innersuussuti-
gaa, Kalaallit Nunaat isumaqatigiissutinik akuersissuteqassasoq. Isumalioqatigiissitap inatsisileri-
tuuata Michael Heiden-ip kiisalu Aningaasaqarnermut aamma Sulisoqarnermut Aqutsisoqarfimmi
inatsisinut tunngasunut allaffeqarfiup nalilerpaat, isumaqatigiissutit pineqartut Kalaallit Nunaanni
inatsisineereersut.

Allaffeqarfiup nalilerpaa, Qeqqata Kommuniata tusarniummut KANUKOKA-mut akissuteqarner-
mini nalunaarutigisinnaagaa, isumaqatigiissut taakku tallimat Kalaallit Nunaata akuersissuteqarnis-
saa kommunep akuerisinnaagaa, tamatumalu saniatigut kommune annerusumik oqaaseqaatissa-
qanngitsoq.

Ikaarsaariarnermi ataatsimiititaliap siulittaasuata 2008-mi juunip 7-iani KANUKOKA-mut nalunaa-
rutigaa, ILO-mi isumaqatigiissut taakku tallimat Kalaallit Nunaata akuersissuteqarnissaa Qeqqata
Kommuniata akuerisinnaagaa, tamatumalu saniatigut Qeqqata Kommuniat tusarniummut annerusu-
mik oqaaseqaatissaqanngitsoq.

Aningaasaqarnikkut allaffissornikkullu kingunerisinnaasai

Namminersornerullutik Oqartussat Inuussutissarsiornermut piginnaasaqarnerulernissallu ineriartortinneqarneranut isumalioqatigiissitaata inatsisilerituata Michael Heiden-ip kiisalu Aningaasaqarnermut aamma Sulisoqarnermut Aqutsisoqarfimmi inatsisinut tunngasunut allaffeqarfiup nalilerpaat, isumaqatigiissutit pineqartut Kalaallit Nunaanni inatsisineereersut.

Allaffeqarfiup naliliinera

Oqaaseqaatissaqanngilaq.

Ikaarsaariarnermi ataatsimiititaliap siulittaasuata suliamik suliarinninnera

Qeqqata Kommunia siunnersuummut oqaaseqaatissaqannginnerarlugu, Qeqqata Kommuniani Ikaarsaariarnermi ataatsimiititaliap siulittasua KANUKOKA-mut 2008-mi juulip 7-iani nalunaaruteqarpoq.

Innersuussut

Innersuussutigineqassaaq, Ikaarsaariarnermi ataatsimiititaliap suliaq tusaatissatut tigussagaa.

Aalajangiineq

Oqaaserineqartut ilanngullugit tusaatissatut tiguneqarpoq.

Ilanngussat

1. Tusarniut KANUKOKA-mit nassiunneqartoq.
2. Tusarniummut Qeqqata Kommunia akissuteqaataa.

Imm. 08 Inissianik attartortitsisarneq pillugu inatsisartut peqqussutaata allanngortinneqarnissaanut tusarniut pillugu paasissutissiineq

Journalnr.

Tunuliaqutaq

Inissianik attartortitsisarneq pillugu inatsisartut peqqussutaata allanngortinneqarnissaanut siunnersuut tusarniutigineqartoq, 2008-mi juunip 4-ni Qeqqata Kommuniata KANUKOKA-mit tiguaa.

Tusarniutigineqartumut kingusinnerpaamik akissuteqarnissaq 2008-mi juunip 27-anut killilerneqarsimavoq.

Maleruagassatigut tunngavissat

Inissianik attartortitsisarneq pillugu inatsisartut peqqussutaat nr. 2, 2005-imi maajip 12-ianeersoq.

Pissutsit atuuttut

Peqqussummi aalajangersagaq ataaseq, allannguutissatut siunnersuummi pineqarpoq.

Allannguiffigineqartussat tassaapput:

- Attartornermi akiligassatigut kinguaattoorutit akilerneqarnissaannut piffissarititaasoq ullunit pingasunit ullunut arfinilinnut sivitsorneqassasoq
- Attartortut akiitsoqalersimasut akiitsuminnik qaammatini sisamani akilersuisinnaanissaat periarfissanngortinneqassasoq. Tamannali attartortunut ukiuni kingullerni pingasuni attartornermi isumaqatigiissummik unioqqutitsisimasunut akilersuinerminniluunniit eqquutsitsismanngitsunut atuutinngilaq
- Akilersuinissamik isumaqatigiissusiortoqartillugu akiliuteqartitsisoqartalissasoq
- Attartortitsisoq akileeqqusisummik nassitsinerminut atatillugu akiliuteqartitsisinnaalissasoq
- Pisortat inissiaataanni tamani attartornermi isertitassaagaluanit annaasaqaatinut nalimmassaarutissanik najugaqatigiiffiit tamarmik pilersitsivigineqassasut, tassungalu atatillugu attartornermi akiliutaasartut kvadratmeterimut 25 kr.-inik iluarsiiufigineqassasut (qaffanneqassasut)
- allannguut 2009-mi januaarip aallaqqaataanit atuutilissasoq

Aningaasaqarnikkut allaffissornikkullu kingunerisinnaasai

Attaveqarnermut Avatangiisinullu Naalakkersuisoqarfiup tusarniutimini oqaatigaa, peqqussutissatut siunnersuut pisortanut attartortunullu aningaasaqarnikkut allaffissornikkullu annertuumik kinguneqaatissaqanngitsoq, matumani attartortumit ataatsimit inissiaqarfiup annaasaqaatai, inissiaqarfiup attartortuinit ataatsimoortumik matussuserneqassammata.

Allaffeqarfiup naliliinera

Oqaaseqaatissaqanngilaq.

Ikaarsaariarnermi ataatsimiititaliap siulittaasuata suliamik suliarinninnera

Qeqqata Kommunia siunnersuummut oqaaseqaatissaqannginnerarlugu Ikaarsaariarnermi ataatsimiititaliap siulittaasua 2008-mi juunip 24-ani KANUKOKA-mut akissuteqarpoq.

Innersuussut

Innersuussutigineqassaaq, Ikaarsaariarnermi ataatsimiititaliap suliaq tusaatissatut tigussagaa.

Aalajangiineq

Tusaatissatut tiguneqarpoq.

Ilanngussat

1. KANUKOKA-mit tusarniut
2. Qeqqata Kommunia-ta tusarniummut akissuteqaataa

Imm. 09 2009-miit 12-imut missingersuutissatut siunnersuut

Journalnr. 06.01.01.2009

Tunuliaqutaq

Politikkikkut aqutsisut novembarip 1-ani 2007-imi ataatsimiinnerminni imm. 5-imi ingerlatsivinnut kiffartuussinissatigut nalimmassaatissatut suliaqkiutaasimasut aalajangiuppaat. Tamatumunngalu atatillugu aalajangiunneqarlunittaaq, Sisimiut kommuneat 2009-miit 12-imut missingersuutissatigut siunnersuusiortuussasoq.

2009-miit 12-imut missingersuutissatut siunnersuut ikaarsaariarnermi ataatsimiititaliami sisamanngornermi septembarip 18-ni 2008-mi isumasioqatigiinnermi eqqartorneqarpoq. Eqqartuinerit tunuliaqutaralugit, tak. ilanngussaq xx, allatseqarfik Aningaasaqarnermut ataatsimiititaliamut 2009-mut missingersuutissatut allannguutissatut siunnersuusiortuuppoq. Innersuussutaasut aningaasaqarnikkut malitsigisassaamat matuma ataani eqitsit 1-imi takussutissiorneqarput.

Missingersuusiortuunermi Maniitsup Sisimiullu kommuniisa kattunnissaanni aningaasanut tunngasut taakkulu iluini politikikkut iliuusissatigut periarfissat ersarissarneqarnissaat, tamakkulu malitsigisaannik piumasaqaatitassaamat isiginiarneqassapput.

2009-miit 12-imut missingersuutissatut siunnersuummi kommunit taakku marluusut kattunnerinut atatillugu ingerlatsinikkut sanaartornikkullu juulip 1-ani 2008-miit missingersuutaannit iluarsineeruvoq. Aningaasaliissuteqarneq 2009-mi akileraarutitigut isertitassatut naatsorsuutigisanik ataatsimoortumillu tapiissutissatut Namminersornerullutik Oqartussat KANUKOKA-llu 2009-miit 12-imut isumaqatigiissutaannik aallaaveqarput. Akileraarutitigut procenti 25-miitineqarpoq.

Ingerlatsineq:

2009-mut ingerlatsinissatigut missingersuutit 2008-mi akit akissarsiallu aallaavigalugit regneark atorlugu naatsorsugaapput, tak. ilanngussaq 1. Kontot pingaarnert tamaasa immikkut matuma kinguliini kattunnerullu kinguneranik qanoq iluarsiiqqisariaqarnerinik innersuussutitalerlugit saqqumiunneqassapput. Ikaarsaariarnermi ataatsimiititaliap ingerlatsinissatigut missingersuutigi- niakkat akuersissutigierpatigit, tamakku aningaasaqarnikkut aqutsissumut kontot taaguutaat ataatsimoorussat Maniitsup kommuneani suliarineqartut atorlugit ikkussuunneqassapput. Tamatuma kingorna 2008-miit 2009-mut akitigut akissarsiatigullu iluarsissuteqartoqassaaq, KANUKOKA-p a/a-tigut naliliussai atorlugit.

10. Qinikkanut aningaasartuutissat 9.6 mio. koruuninik missingersuusiugaapput

Kommunalbestyrelsip Qeqqatalu kommuniani nunaqarfinni aqutsisussat arfinillit ataatsimiitarnissaat. Ingerlatsiviup innersuussutigissavaa, konto 6,0 mio. koruuninik aningaasartaqartinneqassasoq, tak. 2009-miit 12-imut qinikkanut missingersuutini naatsorsuunermi tunngaviusut ilanngussaq 3-mi. 2009-mut missingersuutini kommunep aallarnisarnissaanut ilaatigut immikkut ittumik angalasarnisanut ataasiartumik 690.00 koruuninik aningaasaliissuteqartoqarpoq. Naatsorsuutigineqarlunilu aningaasaliissutit taakku 2010-mi peerneqassasut.

11. Kommunimi allaffissorneq 72,4 mio. koruuninik missingersuusiugaavoq

Qeqqata kommuniani allaffissornikkut nunaqarfinnilu arfiniliusuni kiffartuussinikkut aningaasartuutit.

Ingerlatsiviup innersuussutigissavaa, konto 70.8 mio. koruuninik killiliussatut missingersuusiorfiussasoq, Qeqqata kommunianilu kommunemi pisortaanerup ingerlatsiviup pingaarnertut aaqqissuusaanissaa tamatumani 2009-miit 12-imut missingersuutitigut kingunerisinnaasai ilanngullugit suliarissagai. Allaffissornikkut aningaasartuutissatigut 72.4 mio. koruunit killiliussat sipporneqassanngillat.

12. Kantiinat 0.9 mio. koruuninik missingersuusiugaapput

Maniitsumi Sisimiunilu allaffissuarni sulisunut kantiinat marluk. Sisimiuni kantiina INI A/S peqatigalugu ataatsimoorussaavoq, taamaalilluni aningaasartuutit naligiimmik Qeqqata Kommuniani INI A/S-llu akornani avitaallutik.

Ingerlatsiviup innersuussutigissavaa, allannguuteqanngitsumik 0.9 mio. koruuninik missingersuusiussasut.

18. Akimoortumik iliuusissat 9.6 mio. koruuninik missingersuusiugaapput

Illoqarfiup pilersaarusiornera, sillimmasiissutit, ilaasortaanermi akiliutit kiisalu nunaqarfinnut namminernut atugassiissutit pineqarput.

Ingerlatsiviup innersuussutigissavaa, aningaasartuutitaqanngitsumik konto 18-imiit konto 37-imut nuutsisoqassasoq, kiisalu nunaqarfinnut arfiniliusunut atugassiissutit 200.000-inut aalajangiunneqassasut, tak. ilanngussa 4.

20. Aqquserngit, ikaartarfiit, sanaartukkat majuartarfiillu 9.2 mio. koruuninik missingersuusiugaapput

Aqquserngit, ikaartarfiit, sanaartukkat majuartarfiillu ingerlanneri sanaartornerilu pineqarput.

Ingerlatsiviup innersuussutigissavaa, allannguuteqanngitsumik 9.2 mio. koruuninik missingersuusiordfigineqassasut.

21. Eqqiluisaarneq aputaajaanerlu 7.5 mio. koruuninik missingersuusiugaapput

Aqquserngit, ikaartarfiit, sanaartukkat, majuartarfiit uninngasarfiillu apuutajartarneri sioqqanillu nakkaalatsitsiffigarneri.

Ingerlatsiviup innersuussutigissavaa, allannguuteqanngitsumik 7.5 mio. koruuninik missingersuusiordfigineqassasut.

22. Pisuussutit uumassusillit 0.3 mio. koruuninik missingersuusiugaapput

Qimmeqarnermut tunngasut pineqarput, soorlu kapuineq uumasunillu akornutaasunik nungusaa-neq.

Ingerlatsiviup innersuussutigissavaa, allannguuteqanngitsumik 0.3 mio. koruuninik missingersuusiordfigineqassasut.

23. Kommunimi suliffeqarfiit assigiinnngitsut 4.4 mio. koruuninik missingersuusiugaapput

Nunaqarfinni illut kiffartuussiviit, sulliviit ataatsimoorussat illuaqqallu pineqarput.

Ingerlatsiviup innersuussutigissavaa, allannguuteqanngitsumik 4.4 mio. koruuninik missingersuusiordfigineqassasut.

25. Qatserisartoqarneq 7.4 mio. koruuninik missingersuusiugaavoq

Qatserisartoqarnermi aningaasartuutit isertitallu.

Ingerlatsiviup innersuussutigissavaa, allannguuteqanngitsumik 7.4 mio. koruuninik missingersuusiordfigineqassasut.

27. Teknikkikkut suliffeqarfiit allat 9.6 mio. koruuninik missingersuusiugaapput

Entrepreneurfarfik, bussit, biilit toqusunik angallassitutit, asfalterinermi atortuutit, majuartaateqarfik, arsartarfik kiisalu aasarsiortarfik pineqarput.

Ingerlatsiviup innersuussutigissavaa, allannguuteqanngitsumik 9.6 mio. koruuninik missingersuusi-
orfigineqassasut.

34. Suliffissaqartitsiniutit 4.8 mio. koruuninik missingersuusiugaapput

Suliffissaaleqisunik sulilersitsiniutitigut aningaasartuutit pineqarput.

Ingerlatsiviup innersuussutigissavaa, allannguuteqanngitsumik 4.8 mio. koruuninik missingersuu-
siorfigineqassasut.

35. Piginnaangorsaaneq 1.1 mio. koruuninik missingersuusiugaavoq

Sulinermik misiliinerit, ilinniaqqinnerit allamillu ilinniagaqarnerit pineqarput.

Ingerlatsiviup innersuussutigissavaa, allannguuteqanngitsumik 1.1 mio. koruuninik missingersuu-
siorfigineqassasut.

36. Illuutit inuutissarsiuteqarfiusut ilanngaattissat ilanngaatigereerlugit 2.6 mio. koruuninik isertitsi-
viusussatut missingersuusiugaapput

Illuutit inuutissarsiuteqarfittut attartortitat pineqarput.

Ingerlatsiviup innersuussutigissavaa, allannguuteqanngitsumik 2.6 mio. koruuninik isertitaqarfiu-
sussatut missingersuusi-
orfigineqassasut.

37. Kommunip inuutissarsiutitigut peqataaffii 3.0 mio. koruuninik missingersuusiugaapput

Inuutissarsiutitigut tapiissuteqarfiit takornariaqarnerlu pineqarput.

Ingerlatsiviup innersuussutigissavaa, allannguutitaqanngitsumik missingersuusiortoqassasoq, tassa
konto 18-ip konto 37-llu akornanni aningaasartuutitaqanngitsumik nuutsinerit pisussaammata, tak.
ilannugsaq 4.

38. Ilitsersuisarfik piareersarfillu 11.4 mio. koruuninik missingersuusiugaapput

Inuusuttunik inuutissarsiutitigut ilinniartitsineq qaffassanerlu.

Ingerlatsiviup innersuussutigissavaa, Sisimiut Kommuneani VIC-mi akissarsiatigut missingersuutit
iluarsiiffineqassasut.

40. Akiliunneqarluni meeqqerivinniititsineq 0.3 mio. koruuninik isertitaqarfiusussatut missingersuu-
siugaavoq

Inuttut atukkat aallaavigalugit meeqqat akiliunneqarlutik meeqqerivinniitinneri pineqarput.

Ingerlatsiviup innersuussutigissavaa, allannguuteqanngitsumik 0.3 mio. koruuninik missingersuu-
siorfigineqassasut.

41. Ikorsiiniutit 15.2 mio. koruuninik missingersuusiugaapput

Meeqqanik ajornartorsiulersinnaasunik pinaveersaartitsineq ikorsiiniuteqarnerlu pineqarput.

Ingerlatsiviup innersuussutigissavaa, allannguuteqanngitsumik 15.2 mio. koruuninik missingersuu-
siorfigineqassasut.

43. Siusinaartumik pensionit 8.2 mio. koruuninik missingersuusiugaapput

Siusinaartumik pensionit tunngavii tapillu pineqarput.

Ingerlatsiviup innersuussutigissavaa, kiffartuussinikkut nalimmassaasoqassasoq. Kommuunerujus-
suarmi inummut atugassarititaasut assigiittariaqarput. Akitigut naligiissaarinerup malitsigisaanik
missingersuutit qafannerisigut apparnerisigullunniit sunniuteqarsinnaavoq, tamatumani politik-
kikut aalajangiineq apequtaassalluni.

44 Meeqqanut akilersuutit 0.4 mio. koruuninik missingersuusiugaapput

Meeqqanut akilersuutit pineqarput.

Ingerlatsiviup innersuussutigissavaa, allannguuteqanngitsumik 0.4 mio. koruuninik missingersuusiorgineqassasut.

45 Pisortanit ikiorsiissutit 13.7 mio. koruuninik missingersuusiugaapput

Inunnut imminnut pilersorsinnaanngitsunut aningaasatigut ikiorsiissutit pineqarput.

Ingerlatsiviup innersuussutigissavaa, kiffartuussinikkut nalimmassaasoqassasoq. Kommuunerujussuarmi inummut atugassarititaasut assigiittariaqarput. Akitigut naligiissaarinerup malitsigisaanik missingersuutit qaffannerisigut appannerisigulluunniit sunniteqarsinnaavoq, tamatumani politikikkut aalajangiineq apeqqaataassalluni.

46. Isumaginninnikkut allatigut aningaasartuutit 10.3 mio. koruuninik missingersuusiugaapput

Naartunermi, erninermi meeravissartaarnermilu ullormusiat pineqarput.

Ingerlatsiviup innersuussutigissavaa, allannguuteqanngitsumik 10.3 mio. koruuninik missingersuusiorgineqassasut.

47. Utoqqarnik isumaginninneq 47.6 mio. koruuninik missingersuusiugaapput

Utoqqarnik isumaginninnermut tunngasutigut aningaasartuutit tamakkerlugit pineqarput.

Ingerlatsiviup innersuussutigissavaa, utoqqaat angerlarsimaffiunut kommunerujussuarmi neqeroorutit assigiissilerlugit paaqqutarinniffiinullu tunngasutigut kiffar-tuussinikkut nalimmassaasoqassasoq. Utoqqalinersiatigut namminermut atugassarititaasut aamma nalimmassarneqassapput. Sisimiut Kommuneani utoqqalinersiutitigut tunngaviusutigut 3.5 mio. koruuninik aningaasartuuteqarnerunis-saq naatsorsuutigineqarpoq, tamatumani kommunep nammineq 350.000 koruunit aningaasartuutigi-sussaassallugit.

48. Innarluutilinnut tunngasutigut 4.2 mio. koruuninik missingersuusiugaapput

Innarluutilinnut aningaasartuutit tamakkerlugit pineqarput.

Ingerlatsiviup innersuussutigissavaa, Innarluutilinnut tunngasutigut ataatsimiittarnissanut aningaasaliissuteqartoqassaaq.

49 Isumaginninnikkut aningaasartuutit allat 0.7 mio. koruuninik missingersuusiugaapput

Oqqiffimmut taamatullu peqqinnissamut aningaasartuutit pineqarput.

Ingerlatsiviup innersuussutigissavaa, allannguuteqanngitsumik 0.7 mio. koruuninik missingersuusiussasut.

50 Meeqqanut inuusuttunullu ulluunerani ikiorsiiniutit 55.7 mio. koruuninik missingersuusiugaapput

0-6-inik ukiulinnut ulluunerani neqeroorutit, taamatullu 7-12-inik ukiulinnut sunngiffimmi sammisasaqartitsiniutit pineqarput.

Ingerlatsiviup innersuussutigissavaa, ulluunerani neqeroorutitigut kiffartuussinikkut nalimmassaasoqassasoq, taamaalilluni meeqqerivinni assigiimmik naatsorsueriaaseq akiliuteqartarnerlu atornerqalissallutik.

51 Atuarfeqarneq 106.9 mio. koruuninik missingersuusiugaavoq

Meeqqat atuarfiini aningaasartuutit pineqarput.

Ingerlatsiviup innersuussutigissavaa, atuarfeqarfitsigut kiffartuussinikkut nalimmassaasoqassasoq, taamaalilluni tiiminik agguaassisarnermi aningaasaqarnikkut kingunerisinnaasai 2009-miit 12-imut missingersuutitigut iluarsissutigineqarlutik.

53. Sunngiffimmi sammisassaqtitsineq 13.7 mio. koruuninik missingersuusiugaavoq

Sunngiffimmi sammisassaqtitsinermi aningaasartuutissat pineqarput.

Ingerlatsiviup innersuussutigissavaa, allannguuteqanngitsumik 13.7 mio. koruuninik missingersuorfigineqassasut.

55. Atuakkanik atorniartarfeqarneq 2.1 mio. koruuninik missingersuusiugaavoq

Atuakkanik atorniartarfeqarneq pineqarpoq.

Ingerlatsiviup innersuussutigissavaa, allannguuteqanngitsumik 2.1 mio. koruuninik missingersuorfigineqassasut.

56. Katersugaasiveqarneq 3.5 mio. koruuninik missingersuusiugaavoq

Katersugaasiveqarneq pineqarpoq.

Ingerlatsiviup innersuussutigissavaa, allannguuteqanngitsumik 3.5 mio. koruuninik missingersuusiussasut.

59. Kulturikkut suliniutit assigiinngitsut paasissutissiisarnerlu 10.8 mio. koruuninik missingersuusiugaapput

Sunngiffik, kulturi, timersorneq kulturikkullu illorsuaq pineqarput.

Ingerlatsiviup innersuussutigissavaa, timersornermut tunngasutigut nalimmaasaasoqassasoq, taamaalilluni timersornermut tunngaasigut tapiissuteqartarneq assigiissilersillugu.

66. Eqqaanermut tunngasut 3.4 mio. koruuninik missingersuusiugaapput

Eqqaaneq anartarfeqarnerlu pineqarput.

Ingerlatsiviup innersuussutigissavaa, allannguuteqanngitsumik 3.4 mio. koruuninik missingersuusiussasut kiisalu eqqaanermut anartarfilerinermullu akitigut nalimmaasaasoqassasoq.

68. Pilersuinermit tunngasut allat 3.0 mio. koruuninik missingersuusiugaapput

Ikuallaanermut, imeralannut il.il. aningaasartuutit pineqarput.

Ingerlatsiviup innersuussutigissavaa, allannguuteqanngitsumik 3.0 mio. koruuninik missingersuorfigineqassasut.

Sanaartorneq:

Sanaartornermut tunngasut Maniitsup Sisimiullu kommuniini akuersissutaasimasut katinneri atorlugit missingersuusiortoqarpoq. Sanaartugassatut pilersaarutit ilanngussaq 2-mi 2008-miit 2012-imut Agguataarinikkut pilersaarummiipput. Ilanngussami Namminersorerullutik Oqartussat Qeqqatalu kommuniata pilersaarutaat takuneqarsinnaallutik, atuinissamik naatsorsuutit, atuinikinnerunissamik atuinernissamullu naatsorsuutit kiisalu ukiup ingerlanerani atukkat takutinneqarput. Ilanngussami aamma sanaartugassatigut pilersaarutininik aqutsinissamik siunnersuut allaaserineqarpoq.

Aningaasaleeriaaseq 10-40-50 aqutugalugu inissialiat siusinnerusukku killiffinni allannguutit tunngavigalugit Sisimiut Kommuneani missingersuusiorneqartarsimapput. Innersuussutigineqassaaq, attartukkat taakku siunissami sanaartugassatigut pilersaarutininut ilanngunneqartalnissaat, taamatullu sanaartugassatigut aqutsinermut ilanngullugit, taamaalilluni pisortanit malinnaaffigiimnarnarnerulissallutik. Tamatuma kingunerissavaa, ilanngussaq 5-imi aningaasaliissutit sanaartugassatigut inissitsiterinermit pilersaarummut ilanngunneqarnissaat.

Ingerlatsiviup innersuussutigissavaa, sanaartornermut tunngasut ilanngussaq 2-mi allaaserisaq naapertorlugu missingersuusiorneqarlutillu aqunneqassasut, tamatumalu kingunerissallugu sanaartugassat nutaat missingersuusiornermut atatillugu isumasioqatigiinnerni oqallisigineqartarnissaat, sanaartugassatigullu inissitsiterinerni pilersaarummut ilanngunneqarnissaat innersuussutigineqartassalluni. Sanaartugassat nutaat ataasiakkaat immikkut aningaasaliissuteqarnikkut pisarsinnaalluni. Aammattaaq missingersuusiornermi isumasioqatigiinnerni isummerfigineqartassaaq, sanaartugassat sorliit peerneqarnissaat aningaasaliissutilluunniit millisinneqarnissaat kissaatigineqarnersoq.

Aningaasaliissuteqarneq:

Akilaraarutitigut isertitassatut naatsorsuutit 2008-miit 2009-mut tunngavigisat allanngortinnait missingersuusiugaapput, tassa Maniitsumi Sisimiunilu kommunini tunngavigisat 0,25-mik (akileraarutit procentiat) gangerlugit/amerlisarlugit. Akilaraarutitigut isertitassat 246,6 mio. koruuniunissaat naat-sorsuutigineqarpoq.

Piginneqatigiiffinniit 7,9 mio. koruuninik isertitsiffiunissaat missingersuusiugaalluni.

Namminersornerullutik Oqartussat KANUKOKA-llu ataatsimoortumik tapiissutissatigut isumaqatigiinniarnert juunip 20-ni 2008-mi naammassineqarput, tamatumaniilu kommunit ataatsimut isigalugit 830,6 mio. koruunit isumaqatigiissutaallutik. Qeqqata kommuniata ataatsimoortumik tapiissutitigut 143,6 mio. koruunit pissarsiarissavai.

Qeqqata kommuniatalu 2009-mi akilaraarutitigut nalimmaasaarutiniit 66,3 mio. koruunit pissarsiarissallugit. Nalinginnaasumik tapiissutit akilaraarutitigullu nalimmaasaarutit 209.9 mio. koruuninik missingersuusiugaapput.

Erniat, aningaasaliissutit erniaat kiisalu pappialatigut nalilitsigut ajunaarutit iluanaarutillu tassaapput, kommunip karsimiittuutaasigut illunillu attartortittakkanik aningaasaliissutaasigut erniatigut isertitat. Konto 14.2 mio. koruuninik missingersuusiugaavoq.

Isertitat allat tassaapput sanaartorfigissaanikkut isertitat 7.6 mio. koruuninik missingersuusiugaasut.

Isumakkeerinnissutit 2.1 mio. koruuninik aningaasartuutaanissaat missingersuusiugaavoq.

Ataatsimut isigaluni 484.1 mio. koruuninik aningaasartuuteqarnissaq naatsorsuutigineqarluni.

Anguniakkat:

2009-miit 2012-imut missingersuutitigut anguniagaapput

- Ingerlatsinikkut aningaasartuutit nalimmassarnissaat imaluunniit 10 procentinik appartinneqarnissaat, taamaaliornikkut sanaartugassatigut pitsaanerpaamik aningaasassaqartitsinissaq
- Kommunimi akilaraarutissatut procenti 25 procentinut nalimmassarnissaa
- Aningaasaleeriaaseq 10-40-50 aqutugalugu nammineerluni illuliortiternerup tapersorsorne-runissaa
- Aningaasaqarnerup ilorraap tungaanut ingerlanera iluaqutserniarlugu

***Ikaarsaariarnermi Ataatsimiititaliap oktobarip 17-ani 2008-mi ileqquusumik ataatsimiinnerata
05/2008-p imaqarniliornera***

Iliuusissat:

Anguniakkat imaalillugit anguneqassapput, allaffeqarfiup politikkikkullu partiit kommunit taakku marluusut aningaasaqarnerisa ataatsimoortinnissaat pitsaasumik atoruminartumillu aaqiiffigippasuk, taamaalillunilu ingerlatsinikkut aningaasartuutissatut atugassiissutit annikillisinneqarsinnaalerlutik, sanaartornermullu aningaasaliissutit naammassisinnaasanut naapertuuttunngorlugit allanngortinneqarlutik, tassalu ukiumut 40 mio. koruunit nalinginut.

Politikkikkut partiit missingersuusiassaq oqallisigalugulu tulleriissaarineq septembarip 18-ni 2008-mi isumasioqatiginnikkut ingerlatissavaat.

Maleruagassatigut tunngavissaq

Aqutsinermi inatsisip §§ 39-42.

Pissutsit atuuttut

Immikkut oqaaseqaatitassaqanngilaq.

Aningaasaqarnikkut allaffissornikkullu kingunerisinnaasai

Eqitsimmi 2009-mi missingersuutissatut killiliussat takuneqarsinnaapput, ingerlatsiviup allanngoutissatut innersuusutai, taamatullu 2009-mut missingersuutissatut siunnersuut ingerlatsiviup allanngoutissatut siunnersuutai iluarsiiisutigalugit.

Kontot	Miss. killiliussat	Allang. siunnersuutit	Miss. siunnersuut
Allaffeqarfimmut tunngasut	92,5	-3,6 + 0,6	89,5
Teknikkimut avatangiisinullu tunng.	38,5		38,5
Suliffissaqartitsiniarneq inuutissarsiuteqarnerlu	17,7		17,7
Isumaginninnermut tunngasut	100,6	0,2 + 0,5 + 0,1	101,4
Atuartitaanermut kulturimullu tunng.	192,7		192,7
Pilersuinnermut tunngasut	6,4		6,4
Ingerlatsinnermut tunngasut katill.	448,4	-2,2	446,2
Sanaartugassat 10-40-50 ilanngullugit	57,5		57,5
Aningaasartuutissat katillugit	505,9	-2,2	503,7
Iseritit	484,1		484,1
Naammassisat	21,8	-2,2	19,6

Allaffeqarfiup innersuussutigissavaa, 2009-miit 2012-imut missingersuusiornermi aningaasartuuteqarfiungaatsiartussanik aalajangiussisoqassanngitsoq. Sanaartugassatigut pilersaarutit annertoreeqimmata piffissaliussatut aningaasaliissuteqarnissaq ilungersunarereernikuvoq.

Qeqqata kommuniata aningaasaqarnera 2008-mut 2009-mullu ima isikkoqarpoq

Mio. kr.	2008		2009	
	Missing.	Naatsor.	Missing.	Naatsor.
Ingerlatsinikkut aningaasartuutit	448,4	448,4	448,4	448,4
Iseritit	-483,3	-483,3	-484,1	-484,1
Atorneqarsinnaasut 1	-34,9	-34,9	-35,7	-35,7
Sanaartugassatigut aningaasartuutit	185,9	97,5	57,5	65,7
Ingerlatsinikkut naammassisat	151,0	62,6	21,8	30,0
Killiffimmi nikeraatit	0,2	0,2	0	0
Oqimaaqatigiissitsineq	151,2	62,8	21,8	30,0
Ukiup aallartinnerani aningaasaatit	114,9	114,9	-36,3	52,1
Ukiup naanerani aningaasaatit	-36,3	52,1	-58,1	22,1
Karsimiittuutit minnerpaaffissaat	31,7	31,7	25,3	25,3

Kommune ingerlatsinikkut sanaartornikkullu aningaasartuutimi 5 procentiinik minnerpaamik karsimiittuutitaqartussaataavoq. 2008-mut 2009-mullu naatsorsuutitigut naatsorsuutigineqartut takutip-paat, karsimiittuuteqarnissamik minnerpaaffigititaasoq 2009-mi naammassineqarsinnaanngitsoq. Taamaammat ingerlatsiviup innersuussutigissavaa, 2008-mi 2009-milu qanorluunniit pisoqaraluarpat sanaartugassanik nutaanik ikkussisoqassanngitsoq. Peqatigitillugu ingerlatsinikkut aningaasartuuteqarnerup tulluarsarnissaa pisariaqarpoq. 2009-mut ingerlatsinikkut aningaasartuutissanut akiti-gut iluarsiiissutissat ikkunneqanngimmata, 2009-mi sipaaruteqarnissaq imaluunniit 50 mio. koruuni-nik attartornissaq naatsorsuutigisariaqassaaq.

Allatseqarfiup aningaasaqarnermullu allatseqarfiup oqaaseqaataat
Immikkut oqaaseqaatitassaqanngilaq.

Missingersuusiornerup ingerlaqqinnissaa:

- | | |
|---------------|--|
| 12. august | 2009-miit 11-mut missingersuutissatut siunnersuutit aningaasaqarnermut ataatsi-miititaliamut saqqummiunneqarnissaat. |
| 18. september | Missingersuusiornermi isumasioqatigiinnissaq, ingerlatsinikkut sanaartugassati-gullu missingersuutininik saqqummiussiviunerusussaq |
| 02. oktober | Aningaasaqarnermut ataatsimiititaliaq Ikaarsaariarnermi ataatsimiititaliap siuller-meerutissaanik suliaqassaaq, matumani kiffartuussinikkut nalimmassaanermut siunnersuutit sinneri ilanngullugit. |
| 17. oktober | Ikaarsaariarnermi ataatsimiititaliap aningaasaqarnermut ataatsimiititaliap 2009-miit 2012-imut missingersuutissatut siunnersuutaanik siullermeerinninnera |
| 06. november | Aningaasaqarnermut ataatsimiititaliap allannguutissatut siunnersuutaasinnaasunik oqalliserinninnissaa |
| 20. november | Ikaarsaariarnermi ataatsimiititaliap aappasaanerinninnera |

Ikaarsaariarnermi ataatsimiititaliap aningaasaqarnermut ataatsimiititaliaata suliamik suliarinninnera
Ikaarsaariarnermi ataatsimiititaliap aningaasaqarnermut ataatsimiititaliaata oktoberip 2-aani 2008 suliaq suliarivaa.

Innersuussut

Ikaarsaariarnermi ataatsimiititaliap aningaasaqarnermut ataatsimiititaliaata innersuussutigissavaa, 2009-miit 12-imut missingersuutissatut siunnersuutit Ikaarsaariarnermi ataatsimiititaliamut aappas-saaneernissaanut tulliuuttut allanngutigitillugit ingerlateqqissagaa:

Qinikkanut killiliussat 3,6 mio. koruuninik appartinneqassasut, kommunalbestyrelsimi ilaasortat ikilinissaat tunngavigalugu.

Nunaqarfiit namminneq konto 18-ikkut atugassaat nunaqarfimmuut ataatsimut 200.000 koruuninik missingersuusiorneqassasut. Tamatuma kinguneranik ingerlatsinikkut konto 0,6 mio. koruuninik qaffanneqassaaq.

Qeqqata kommunia utoqqaat nunanut allanut angalanissaannut 165.000 koruuninik aningaasaliissu-teqaaqqissasoq.

Bussernermi allagartanut kiisalu utaqqarnik siusinaartumillu pensionilinnik isumassuinertigut aningaasartuutissat allanngortinneqassanngillat, taamaalillutillu missingersuutissatut killiliussatigut sunniuteqassanatik.

Utoqqalinersialinnut siusinaartumillu pensionilinnut nammineerluni atugassat eqqarsaatigalugit inummut tapinik tunniussisarnerni Sisimiuni atugaasut aallaavigineqassapput, tamatumalu kingunerisaanik killissarititaasut 0,5 mio. koruuninik sipporlugit atuineruffiussallutik.

Pisortanit ikiorsiissutit Sisimiuni atugassarititaasunut iluarsiffigineqassapput, taamatumalu kinguneranik 0,1 mio. koruuninik atuiffiunerussallutik.

Ilinniartitsisut amerlassusissaat tiiminik atuinissamik pilersaarutinut Sisimiut Maniitsullu kommunalbestyrelsiisa aalajangiifigisaannut aaqinneqassapput. Akissarsiatigut missingersuutit Sisimiut Maniitsullu kommuniini ilinniartitsisumut agguaqatigiisillugu akissarsiat tunngavigalugit ilinniartitsisut amerlassusissaannik gangerlugit/amerlisarlugit naatsorsorneqassapput.

Ulluunerani neqeroorutitigut akigitit Sisimiut kommuneani procentit aallaavigalugit 0-imiit 6-inut ukiulinnut akigitit ataatsimoortut tunngavigalugit naatsorsorneqassapput.

Qeqqata kommuniani akissarsiassat annertussusii atorlugit missingersuusiusaaq, sulisussallu amerlassusissaat taakku tunngavigalugit naatsorsorneqartassalluni.

2009-mut missingersuutissatut siunnersuutit 2008-mi akit akissarsiallu aallaavigalugit naatsorsorneqassapput.

Ingerlatsiviup Qeqqata Kommuniani akit ataatsimoorussat naatsorsorlugit siunnersuusiusaaq, taakkulu aappasaanerinnissamut saqqummiunneqassallutik, tassa inatsitigut kommunemi akigitit assiigiissuunissaat piumasaqaataappat Sisimiut kommuneani akigitit aallaavigalugit. Tamatumani pineqarlutik,

- Eqqaavilerineq anartarfilerinerlu
- Kuuffissuit
- Sanaartugassanik suliaqarneq
- Anartarfileriffik
- Igitassanik tigooraavimmi eqqaavissuarmilu
- Paaviaanermi
- Ikuallaaveqarnermi
- Imeralaqarnermi

Utoqqarnut nerisaqarnikkut tapiissutit nalimmassarneqassapput.

Sanaartugassanut aningaasaliissutit ukiunut arlalinnut siammartinneqassapput, tassa sanaartugassat pilersaarutaasut naapertorlugit naammassineqarneq ajormata.

Kiisalu timersoqatigiiffinnut tapiissuteqartarnermi nalimmassaanissamik siunnersuut saqqumiunneqassalluni.

Aalajangiineq

Aningaasaqarnermut ataatsimiititaliap innersuussutai taasinikkut tamanit akuersissutigineqarput.

Missingersuutit aappassaaneernissaannut makku misissorneqassapput:

Arlalinnik meeqquerivimmiittutillit meeqquerivinnut akiliutaasa nalimmassaavigineqarnissaat aammalu meeqquerivinnut akiliutit qaffasinnerpaamik qaammammut 1.000 imaluunniit 1.500 kr.-nut annerpaaffissalerneqarpata missingersuutitut qanoq sunniuteqassanersut.

Qatserisartunut, piginnaangorsaaqqinnermut taavalu atuarfeqarnermut tunngsut aningaasaqarnermi ataatsimiititaliami misissoqqissaarneqassapput.

Nuuttarnermut aningaasaateqarfik, mobilitetsfond Qeqqata Kommunianni eqqumaffigineqssasoq Inuit Ataqtigiinniit kissaatigineqarpoq.

Tamanit isumaqatigineqarpoq akileraarut 25 %-iussasoq.

Sullissinerup ajorseriannnginnissaa tamanit kissaatigineqarpoq.

Ilanngussat

1. 2009-mut missingersuutissatut siunnersuutit
2. 2008-miit 2012-imut agguataarinissamik pilersaarut
3. Qinikkat pillugit missingersuutit
4. Konto 18-imi missingersuutit
5. Sisimiut kommuneani 10-40-50 aqqutigalugu attartortitsineq
6. Nunanut allanut angalanermi aningaasartuutit
7. Bussertarnermi allagartanut aningaasartuutit
8. Utoqqarnik siusinaarlunilu pensionilinnik isumassuinerit
9. Inummut tapinik tunniussinermi nammineerluni atugassarititaasut nalimmassarneri
10. Pisortanit ikiorsiissutitigut nalimmassaaneq

Imm. 10 Kangerlussuarmi fritidsklubbimi sulisut amerlineqarnissaanik qinnuteqaat

Journalnr. 55.03.01

Tunuliaqutaq

Kangerlussuarmi Fritidsklubbi 0,8-nik ukiumut sulisussaligaavoq.

Malerugassatigut tunngavissaq

Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaanni nr. 10, 21. maj 2002-meersumi Kap. 4 § 18.

Pissutsit atuuttut

Kangerlussuarmi fritidsklubbip pisortarisimasaata tupigusuutigaa, 0,8-nik ukiumut sulisussaligaanera, piffissami tassani Kangerlussuarmi 107-inik meeraqarmat 6-niit 21 tungaanut ukiulinnik. Pisortaasoq qaammammusiaqarpoq aammalu sulisunik marlunnik akunnermusialinnik sulisoqarpoq. Sulisut katillugit pingasut.

Qaammammusiallit akissarsiassaannut (pisortaq) 487.000 koruuninik aamma akunnermusiallit akissarsiassaannut 127.000 koruuninik missingersuuteqarpoq, katillugit akissarsianut 614.000 koruunit.

Aningaasaqarnikkut allaffissornikkullu kingunerisinnaasai

Kangerlussuarmi fritidsklubbimi akissarsiassanut 2008-mi missingersuutini 614.000 koruuninik pissaqartitsisoqarpoq.

Taamaasilluni akissarsiassanut matussutissanut aningaasalersuisoqassaaq:

1 pisortap qaammammusiassaanut	ukiumut 220.000 kr. missaat
2 sulisut ilinniarsimangitsut	ukiumut 326.000 kr. missaat
Katillugit	ukiumut 546.000 kr. missaat

Taamaasilluni sulisut 2-niit 3-nut amerlineqassappata 95.000 koruunit amigaataapput.

Allatseqarfiup aningaasaqarnermullu allatseqarfiup oqaaseqaataat

Qitiusumik ingerlatsiviup maluginiarppaa, 95.000 koruuninik immikkut aningaasaliissuteqarnissamik qinnuteqaateqartoqarnera.

Allaffeqarfiup naliliinera

Kangerlussuarmi fritidsklubbimi sulisut amerlassusaata iluarsineqarnissaa kissaatigineqarpoq, taamaasilluni sulisut ilinniarsimangitsut marluk sulisunut ilinniarsimangitsunut pingasunut amerlineqarlutik, sulisut ikippallaarneqarnnik suliffissallu piffissat nikerarneri pissutigalugit suleqataasut qaannngiuttoortarnerpassui pinngitsoortinniarlugit.

Meeqqanut kulturimullu ingerlatsiviup innersuussutaa

Meeqqanut kulturimullu ataatsimiititaliamut innersuussutigineqarpoq 0,8-miit ukiumut sulisussaqtitsineq, qaammammusialimmut 1-mut aamma sulisunut akunnermusialinnut 3-nut 95.000 koruuninut naapertuuttumut iluarsineqassasoq.

Ikaarsaariarnermi Ataatsimiititaliap oktobarip 17-ani 2008-mi ileqquusumik ataatsimiinnerata 05/2008-p imaqarniliornera

Konto	Taaguutaa	2008	2009	2010	2011
5303700111	Akunermorsiat	+95.000 Kr.	+95.000 Kr.	+95.000 Kr.	+95.000 Kr.
8900009001	Karsimi uninngatitat	-95.000 Kr.	-95.000 Kr.	-95.000 Kr.	-95.000 Kr.

Meeqqanut kulturimullu ataatsimiititaliami suliap suliarinera

Meeqqanut kulturimullu ataatsimiititaliap aggustip 20-ani 2008-mi ataatsimiinnermini ingerlatsi-viup innersuussutaa akuersissutigivaa.

Imm. aningaasaqarnermut ataatsimiititaliamut, ikaarsaariarnermullu ataatsimiititaliamut ingerlateq-qinneqassapput.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septemberip 10-ngani 2008-mi ataatsimiinnermini ingerlat-siviup innersuussutaa taperserlugu akuersissutigaa, kommunalbestyrelsimut Ikaarsaariarnermilu ataatsimiititaliamullu akuerineqatqullugu ingerlateqqinneqassaaq.

Ikaarsaariarnermi ataatsimiititaliap aningaasaqarnermut ataatsimiititaliaata suliamik suliarinninnera

Ikaarsaariarnermi ataatsimiititaliap aningaasaqarnermut ataatsimiititaliaata oktoberip 2-aani 2008 suliaq suliarivaa.

Innersuussut

Ikaarsaariarnermi ataatsimiititaliap aningaasaqarnermut ataatsimiititaliaata meeqqanut kulturimullu ataatsimiititaliap innersuussutaa taperserlugu Ikaarsaariarnermi ataatsimiititaliamut akuerinequllugu innersuussutigissavaa.

Aalajangiineq

Innersuussutigineqartoq akuersissutigineqarpoq.

Ilanngussat

1. Kangerlussuarmi fritidsklubbimi sulisut amerlassusilerneqarnerannut takussutissaq

**Imm. 11 Ataatsimoortumik tapiissutit kontomut immikkut aningaasaliissutissatut
eqqartorneqarnissaanik qinnuteqaat**

Journalnr.

Tunuliaqutaq

Namminersornerullutik Oqartussat Aningaasaqarnikkut ataatsimiititaliaata ulloq 20. Juni 2008 meeqqanut tapinut paaqqutarinninnermilu akinut qaffannissamut ataatsimut tapiissutit aningaasaliif-figeqqinneqarnissaat akuersissutigaa.

Aningaasaqarnikkut allaffissornikkullu kingunerisinnaasai

Kommune kr. 188.000-inik immikkut isertitaqassaaq.

Allatseqarfiup aningaasaqarnermullu allatseqarfiup oqaaseqaatai

Aningaasaqarnermut ataatsimiititaliap suliamik suliaqarnera

Maniitsumi aningaasaqarnermut ataatsimiititaliap suliaq aggustip 5-ini 2008-mi sularivaa, sularlu kommunalbestyrelsimit akuerineqarnissaa innersuusutigalugu.

Kommunalbestyrelsip suliamik suliaqarnera

Maniitsumi kommunalbestyrelsip suliaq aggustip 19-ini 2008-mi sularivaa, ikaarsaariarnermilu ataatsimiititaliap aningaasaqarnermut ataatsimiititaliaanut akuereqqullugu innersuusutigalugu.

Ikaarsaariarnermi ataatsimiititaliap aningaasaqarnermut ataatsimiititaliaata suliamik sularinninnera

Ikaarsaariarnermi ataatsimiititaliap aningaasaqarnermut ataatsimiititaliaata oktoberip 2-aani 2008 suliaq sularivaa, Ikaarsaariarnermi ataatsimiititaliamullu innersuusutigissavaa immikkut isertitassaq akueriqqullugu.

Innersuussut

Ikaarsaariarnermi ataatsimiititaliap aningaasaqarnermut ataatsimiititaliaata Ikaarsaariarnermi ataatsimiititaliamut immikkut isertitassaq akuerinequllugu innersuusutigissavaa.

Allaffeqarfiup Ikaarsaariarnermi ataatsimiititaliamut innersuusutigissavaa Sisimiut kommune taamatuttaaq immikkut isertitassamik 326.000 kr.-mik konto-mut 83-01-00-82-01 tunineqassasoq.

Aalajangiineq

Innersuusutigineqartoq akuersissutigineqarpoq.

Ilanngussaq

1. Immikkut aningaasaliinissamut qinnuteqaat
2. Ataatsimootumik tapiissutit amerlassusaannik takussutissiaq
3. Aningaasaqarnermut ataatsimiititaliap allagaa
4. Namminersornerullutik Oqartussat KANUKOKAllu isumaqatigiissutaat

Imm. 12 Maniitsumi qatserisarfimmi aalajangersimasumik atorfiup qaffanneqarnissaa.

Journalnr.

Tunuliaqutaq

Qatserisarfiup pisortaa arlaleriarluni Maniitsup qatserisarfiani nalunaaquttap akunneranut akissarsialinnik ikiortitaartarsimavoq. Qatserisarfiup ittuata ulloq 1. April 2006-imi atorfininneraniit ilaagit akissarsiap mikivallaarnera ilaatigullu suliamik nakkutiginnissinnaannginneq pissutigalugit ikiortaasimagaluit katillugit 5-it asoortarsimapput,.

Maleruagassatigut tunngavissat

Ikuallannaveersaartitsineq qatserinerlu pillugit Inatsisartut peqqussutaat nr. 6, 30. Oktober 1992-imeersoq aamma kaajallaatitaq nr. 1, nalinginnaasumik ikiuiartorneq sulisullu amerlassusissaannut tunngasoq.

Pissutsit atuuttut

Qatserisartut ittuata ulloq 1. April 2006-imi sulilerneraniilli inuit assigiinngitsut 5-it nalunaaquttap akunnermusiallit qatserisarfimmi ikiortitut sulisarsimapput, asornerinullu pissutaasarsimallutik akissarsialunneq imaluunniit suliamik nakkutiginnissinnaannginneq. Sulisut amerlassusissaannut kaajallaasitami qatserisarfimmi ittuusoq marlunnik assistentunik suleqateqartussaavoq. Qatserisarfimmi ittup qinnutigaa assistentitut atorfiup aappaata qatserisarfimmi ittumut tullersortitut atorfimmut qaffanneqarnissaa, taassumalu tamakkiisumik aalajangersimasumillu atorfeqarnissaa, taamaalilluni ittuusup peqannginnerani aamma paarlaasarsinnaalluni.

Qatserisarfiup qamutillu assakaasullit eqqiarnnerisa saniatigut qamutit assakaasullit sapaatip akunneri tamaasa misiligarneqartartussaapput, pumpet generatorillu ingerlasinnaanersut misiligarneqartarput, putsumut pulasinnaanermut atortut misiligarneqartarput, atortut misissorneqartarput, oliemik mingutsitsisinaanermut iluaqutissat siaartiterlugit ukiumut marloriarlutik misissorneqartarput, ukiumullu ataasiarlutik umiarsualivimmi misilinneqartussaallutik.

Illoqarfimmi nunaqarfinnilu qatserisartut Maniitsumi pikkorissartinneqartarput. Ukiumut arlaleriarluni nunaqarfinnukartoqartarpoq atortut misissorneqarlutik qatserisartunillu oqaloqatiginnittoqarluni.

Allaffissornikkut suliasat qatserisarfimmut tunngasut ittuusumit suliarineqartarput, aammalu atorfimmut atatillugu ittuusoq Kalaallit Nunaanni Qatserinerlutik atuarfiup ataatsimiititaliaani ilaasortaavoq.

Aningaasaqarnikkut allaffissornikkullu kingunerisinnaasai

Ukioq 2008-mut immikkut aningaasaliissutissatut 139.000 koruunit qaammammusiak akissarsiaattut qinnutigineqarput, karsikkut akiligassatut.

Aningaasaqarnermut ataatsimiititaliami suliap suliarinera

Maniitsumi aningaasaqarnermut ataatsimiititaliap aggustip 5-ini 2008-mi suliaq suliarivaa, qinnuteqaallu allannguutitaqanngitsoq kommunalbestyrelsimut ingerlateqqinnissaa aalajangiullugu.

Kommunalbestyrelsip suliamik suliaqarnera

Maniitsup kommunalbestyrelsiata suliaq aggustip 19-ini 2008-mi suliarivaa, qatserisartoqarfimmilu ulloq naallugu sulisoqalernissaa akueriniarlugu aalajangiullugu.

Ikaarsaariarnermi ataatsimiititaliap aningaasaqarnermut ataatsimiititaliaani suliap suliarinera
Ikaarsaariarnermi ataatsimiititaliap aningaasaqarnermut ataatsimiititaliaata oktobarip 2-aani 2008
suliaq suliarivaa, Ikaarsaariarnermi ataatsimiititaliamullu innersuussutigissavaa qinnuteqaat akuereq-
qullugu.

Innersuussut

Ikaarsaariarnermi ataatsimiititaliap aningaasaqarnermut ataatsimiititaliaata Ikaarsaariarnermi ataatsimiititaliamut qinnuteqaat akuerinequllugu innersuussutigissavaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Qatserisartoqarfimmiit qinnuteqaat
2. Brandkommissionip ataatsimiissimanerata imaqarniliaa
3. Ikuallannaveersaartitsineq qatserinerlu pillugit Inatsisartut peqqussutaat nr. 6, 30. Oktober 1992-imeersoq
4. Cirkulære nr. 1 om standarudrykning og mandskabsnormering

Imm. 13 Taartisissutissatut tapiissutit immikkut aningaasaliissutissatut qinnutigineqarput

Journalnr.

Tunuliaqutaq

Kalaallit nunaata Danmarkillu akornanni akileraarutit suliarineqartarneri pillugit isumaqatigiis-summut ilassut ulloq 21. August 1990-imeersoq tunngavigalugu skattestyrelsemit taartisissutissatut tapiissut ingerlateqqinneqarpoq.

Aningaasaqarnikkut allaffissornikkullu kingunerisinnaasai

Taartisissutissatut tapiissut immikkut isertinneqassaaq kr. -364.000

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap suliaq aggustip 5-ni 2008-mi suliarivaa, akuersissutigineqar-nissaalu innersuussutigalugu.

Maniitsumi kommunalbestyrelsip suliamik suliaqarnera

Kommunalbestyrelsip suliaq aggustip 19-ini 2008-mi suliaq suliarivaa, qinnuteqaallu akuereqqullu-gu innersuussutigalugu.

Ikaarsaariarnermi ataatsimiititaliap aningaasaqarnermut ataatsimiititaliaata suliamik suliarinninnera

Ikaarsaariarnermi ataatsimiititaliap aningaasaqarnermut ataatsimiititaliaata oktoberip 2-ani 2008 suliaq suliarivaa, Ikaarsaariarnermi ataatsimiititaliamullu innersuussutigissavaa qinnuteqaat akuereq-qullugu.

Innersuussut

Ikaarsaariarnermi ataatsimiititaliap aningaasaqarnermut ataatsimiititaliaata Ikaarsaariarnermi ataatsimiititaliamut qinnuteqaat akuerinequllugu innersuussutigissavaa.

Allaffeqarfiup Ikaarsaariarnermi ataatsimiititaliamut innersuussutigissavaa Sisimiut kommune taamatuttaaq immikkut isertitassamik 651.743 kr.-mik konto-mut 83-01-01-82-00 tunineqassasoq.

Aalajangiineq

Innersuussutigineqartoq akuersissutigineqarpoq.

Ilanngussaq

1. Skema qinnuteqaat
2. Aningaasat nuunneqarnerisa takussutissartaat
3. Skattestyrelsemit allakkat nuunneri
4. Aningaasat agguataarnerisa takussutissartaat

Imm. 14 Qeqqata Kommuniani politikikkut akisussaaffiit agguataarneri

Journalnr. 01.01

Tunuliaqutaq

Qeqqata Kommuniani aaqqissuussaannikkut iluarsaassinermut atatillugu ukiup naannginnerani politikikkut akisussaaffinnik agguataarinissaq suliassat ilagivaat. Ataatsimiititaliat ataavartut ingerlatsinikkut akisussaaffeqassanersut taamaattoqassappallu sunut tunngasutigut tamanna pissanersooq ilanngullugu suliassaavoq.

Maleruagassatigut tunngavissaq

Kommunini suliassa qarfiit aaqqissuuteqqinneqarnerat pillugu Inatsisartut inatsisaat nr. 14 novemba-rip 19-ni 2007-imeersup kapitali 4-raa *Ikaarsaariarnermi Ataatsimiititaliap aamma kommunalbe-styrelsip pisussaaffii piginnaatitaafiilu* naapertorlugit, imaappoq:

§ 16. Ikaarsaariarnermi Ataatsimiititaliap suliassaasa pingaarnersaraat kommunit kommuninut nutaanut kattunneqarnissaasa piareersarneqarnera, § 1 naap. Inatsisini oqartussaaffigisassatut aalaja-ngersarneqarsimasut januarip aallaqqaataanit 2009-imiit atuutilersumik kommuninit nutaanit isuma-gineqarnissaannut pisariaqartut Ikaarsaariarnermi Ataatsimiititaliamit aalajangersarneqassapput.

Pissutsit atuuttut

Kalaallit Nunaanni kommunalbestyrelsit atuuttut akisussaaffiit ataatsimiititaliaminnut ingerlateqqin-nikuuuat. Maniitsup Sisimiullu Kommunii tamarmik immikkut sisamanik ataatsimiititaliaqarput. Maniitsup Sisimiullu Kommunini kontot allattorsimaffii malillugit ingerlatsinikkut akisussaaffiit ilanngussaq 1-mi ersipput. Ilanngussamilu aamma aningaasaqarnermut ataatsimiititaliap Qeqqata Kommuniani politikikkut ataatsimiititaliat ingerlatsinikkut akisussaaffigisassaatur siunnersuutiginiagai inissaqartinneqarlutik.

Maniitsup Kommuniani ataatsimiititaliat sisamaasut ukuupput: Aningaasaqarnermut Inuutissarsiute-qarnermullu ataatsimiititaliaq (ØEU), Teknikkimut Avatangiisinullu ataatsimiititaliaq (TMU), Atuartitaanermut-, Kultureqarnermut Sunngiffeqarnermullu ataatsimiititaliaq (UKFU) kiisalu Isumaginninnermut ataatsimiititaliaq (SU).

Sisimiut Kommuniani ataatsimiititaliat sisamaasut ukuupput: Aningaasaqarnermut ataatsimiititaliaq (ØU), Teknikkimut Avatangiisinullu ataatsimiititaliaq (TMU), Meeqqanut kulturimullu ataatsimiititaliaq (BKU) Isumaginninnermut Suliffissaqartitsiniarnermullu ataatsimiititaliaq (SAU). Naalisaa-nerit taakku ilanngussaq 1-mi atugaapput.

Tamakku saniatigut kommunit tamarmik immikkut sulialinnik ataatsimiititaliaqarput politikkerinik, sulisunik inuutissarsiutilinnillu inuttaqartitaasunik. Maniitsup Kommuniani alumiiniumik suliffissu-aqalernissamut suleqatigiissitaq, Sisimiullu Kommuniani inuutissarsiutitigut siuarsaanermik ataatsimiititaliaq.

Ataatsimiititaliaq immikkut suliaqartitaq amerlanertigut ataatsimiititaliaagallartumik taaneqartarpoq, tamatumanilu politikkerit illup avataanersunik, soorlu inuttaasunik, inuutissarsiuteqartunik, sulisunillu peqataatitaqartarlutik.

Ataatsimiititaliaq ataavartuq, toqqaannartumik ingerlatsinikkut akisussaaffeqanngitsooq, amerlanertigut sammisaqartitamik taaneqartarpoq. Sammisaqartitaq amerlanertigut aalajangersimasunik killi-likkanik assigiinngitsunik piffisaliussalinnik sammisaqartitaasarpooq.

Danmark-imi Kommunit Kattuffiat piffissami novembarip 10-aniit 22-ata tungaanut 2005-imi apeqquteqaatinut akissutitut immersuisitsinikkut misissuivoq, tassa qallunaat kommuuniisa politik-kikkut allaffissornikkullu aqqissuussinerup nutaap pilersinnerani suut *eqqarsaatersuutiginaat* paasiniarlugu.

KL-ip apeqquteqaatitigut akissutinik immersuisitsinikkut paasisai, makkuunerupput:

- politikkerit tulleriarinissami aningaasaqarnikkullu aqqustinissami periarfissaat,
- massakkut suliat suliassanngortussallu nutaat ataqatigiissinnissaat,
- sulianut tunngasutigut immikkut pisinnaasaqalernissaq, ataatsimiititaliat akornanni akisusaaffiit ersarissut,
- ataatsimiititaliat akornanni suliassatigut naligiimmik agguataarinerit

kommunit nutaat oqallinnerini politikikkut nutaamik aqqissuussinermi pingaarutilittut malunnar-simapput.

Aningaasaqarnikkut allaffissornikkullu kingunerisinnaasai

Ataatsimiititaliat akornanni politikikkut ilusilersuineq aqqissuussinerlu ingerlatsinikkut akisusaaffiliisoq akisusaaffiliinngitsorlu (sammisaqartitaq) taamatullu ataatsimiititaliaagallartut aamma allaffissornikkut ilusilersuinermi sunniuteqartussaavoq.

Allaffeqarfiup naliliinera

Allaffeqarfik naliliivoq, politikikkut akisusaaffinnik agguataarineq piaartumik inissinneqarnissaa pingaaruteqartoq, tassa ingerlatsinikkut akisusaaffiit januaarip 1-ani 2009-mi tigungissaanni Qeqqata Kommunian ersarissumik akisusaaffitsigut malitassaqaqullugu.

KL-ip apeqqutinik akissuteqarnikkut misissuinerata inernerata saniatigut isorartussuseq, tamatumalu malitsigisaanik aningaasartuutissat qaffasinneri aamma politikikkut allaffissornikkullu sukumiisu-mik nalilersuiffiusariaqarput.

Allaffeqarfiup innersuussutaa

Allaffeqarfiup innersuussutigivaa, aningaasaqarnermut ataatsimiititaliap politikikkut akisusaaffiit agguartaarneqarnissaat oqallisigissagaa ikaarsaariarnermilu ataatsimiititaliamut akuerisassatut siunnersuuteqarfigalugu, tassalu Qeqqata Kommuniani januaarip 1-ani 2009-miit politikikkut ataatsimiititaliat ilanngussa q 1 malillugu ingerlatsinikkut akisusaaffiligassaat.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap innersuussutaasoq akuerissutigivaa, allaffeqarfillu aggustip 25-ni 2008-mi aqqissuussaaneq pillugu isumasioqatigiinnissamut siunnersuusiornissaanik piunnaqarfigalugu.

Suliap ingerlaqqinnera

Aggustip 25-ni 2008-mi aqqissuussaaneq pillugu isumasioqatigiinnermi ikaarsaarianermi ataatsimiititaliami ilaasortat ataasiakkaarlugit akisusaaffiit agguataarnerinut isummersoqquneqarput.

Ikaarsaarianermi ataatsimiititaliami ilaasortat akornini akisusaaffiit agguartaarnerinut isumaqataasorinarput. Taamaalluni amerlanerit pingaarnertut kontotigut akisusaaffiit ataatsimiititaliani inissimanissaat pissusissamisoorsorivaat. Assersuutigalugu ilaqutariinnermi ataatsimiititaliap isumagininnermut tunngasut (konto 4). Tamatumani isummat minnerusutigut annerusutigullu assigiinngillat.

Minnerusutigut assigiinnngissutaalluni, ilaasortat marlussuit tikkuarlugu, ataatsimiititaliaq akisussaasoq aamma tassunga tunngasutigut sanaartugassatigut akisussaasuusariaqaraluaq. Taamaalilluni ilaqutariinnermi ataatsimiititaliaq isumaginninnikkut sanaartugassanut tunngasutigut (konto 74) akisussaasuusariaqarluni.

Annerusutigut assigiinnngissutaallutik suliffissaqartitsiniarnermut inuutissarsiutinullu tunngasut (konto 3). Matumanili inuutissarsiutitigut suliffissaqartitsiniarnikkullu ataatsimiititaliaq suliffissaqartitsiniarnikkut inuutissarsiutitigullu tunngasut (konto 3) annersaasigut akisussaasuunissaa aamma isumaqatigiissutaalluni. Tamatumani suliffissaqartitsiniarnerit (konto 34), piginnaangorsaanerit (konto 35) kiisalu ilitersuinerit (konto 38) pineqarlutik.

Suliffissaqartitsiniarnermut inuutissarsiutinullu tunngasutigulli sinneruttut marluk, tassaasullu illuutit inuutissarsiuteqarfiusut (konto 36) aamma kommunep inuutissarsiutitigut peqataaffii (konto 37) isumaqatigiinnngissutaapput. Illuutinut inuutissarsiuteqarfiusunut atatillugu siunnersuutit avissaarsimapput, tassalu teknikkimut avatangiisinullu ataatsimiititaliap aammalu inuutissarsiutitigut suliffissaqartitsiniarnermullu ataatsimiititaliap ataanut inissiisoqarsinnaanera. Kommunep inuutissarsiutitigut peqataaffiinut atatillugu siunnersuutit avissarsimapput, tassalu ilaasa aningaasaqarnermut ataatsimiititaliap ataaniitikkusukkaat, ilaasalu inuutissarsiutitigut suliffissaqartitsiniarnermullu ataatsimiititaliap ataaniitikkusullugu.

Allaffeqarfiup naliliinera

Allaffeqarfik naliliivoq, teknikkimut avatangiisinullu ataatsimiititaliap sanaartornermut tunngasut tamakkerlugit akisussaaffigisariaqaralarai, kisiannili iliuusissatigut aaqqiisoqartariaqarluni, tamatumani ataatsimiititaliat imminermut tunngasutigut sanaartugassatut pilersaarutinik akuersisusaatillugit.

Allaffeqarfik naliliivoq, illuutit inuutissarsiuteqarfiusut teknikkimut avatangiisinullu ataatsimiititaliap ataanu, taamatullu aamma inuutissarsiutitigut suliffissaqartitsiniarnikkullu ataatsimiititaliap ataanu inissineqarsinnaasut. Maluginiaqquneqassaaq, soorlu aningaasaqarnermut ataatsimiititaliaq allaffissornermut allaffeqarfimmullu akisussaasuusutut naatsorsuutigineqartoq, illuatungaatigulli aserfallatsaaliinernut il.il. teknikkimut ingerlatsiviup isumagisarigai taamatullu aamma illuutit inuutissarsiuteqarfiusut aaqqiivigineqarsinnaammata.

Allaffeqarfik naliliivoq, kommunep inuutissarsiutit peqataaffii aningaasaqarnermut ataatsimiititaliap ataanut kiisalu inuutissarsiutitigut suliffissaqartitsiniarnikkullu ataatsimiititaliap ataanut inissineqarsinnaasut. Ataatsimiititaliaq akisussaaffiligaasoq, aammalu inuutissarsiuteqarfinnut attaveqarnis-sami akisussaasuusariaqaralarluni. Naak Sisimiut Kommuneani Inuutissarsiutitigut Ineriartortitsi-nermik Ataatsimiititaliaqaralarartoq, pisortatigoorpalaannginnerusumilluunniit soorlu Maniitsumitut ingerlatsisoqaralarpat.

Allaffeqarfiuttaaq aamma maluginiaqqussavaa, ikaarsaariarnermi ataatsimiititaliami ilaasortat arlaannaataluunniit tikkuangimmagu, suliaassanik tigusinissami ataatsimiititaliap kiisalu aatsitassati-gut attaveqarnikkullu ataatsimiititaliap ingerlatsinikkut akisussaaffeqarnissaa. Taamaammatt pissusissamisuusaaq, ataatsimiititaliat taakku marluk suliaqarfiusussatut inissineqarallarnissaat taamalu taaguuserlugit.

Allaffeqarfiup innersuussutaa

Innersuussutigineqassaaq, aningaasaqarnermut ataatsimiititaliap ikaarsaariarnermi ataatsimiititalia-
mut akuereqqullugit innersuussutigissagai

aningaasaqarnermut ataatsimiititaliaq allaffissornermut tunngasutigut (konto 1) akisussaasuuss**asoq**
teknikkimut avatangiisinullu ataatsimiititaliaq teknikkimut tunngasutigut (konto 2) akisussaasuus-
sasoq

ilaqutariinnermut ataatsimiititaliaq isumaginninnermut tunngasutigut (konto 4) akisussaasuuss**asoq**
ilinniartitaanermit, kulturimut sunngiffimmullu ataatsimiititaliaq atuartitaanermit kulturimullu
tunngasutigut (konto 5) akisussaasuuss**asoq**

teknikkimut avatangiisinullu ataatsimiititaliaq pilersuinnermut tunngasutigut (konto 6) akisussaa-
suuss**asoq**

teknikkimut avatangiisinullu ataatsimiititaliaq pilersuinnermut tunngasutigut (konto 7) akisussaa-
suuss**asoq**

aningaasaqarnermut ataatsimiititaliaq isertitanut ernianullu tunngasutigut (konto 8) akisussaa-
suuss**asoq**

inuutissarsiutitigut suliffissaqartitsiniarnikkullu ataatsimiititaliaq suliffissaqartitsiniutinut tunnga-
sutigut (konto 34), piginnaanngorsaanermit (konto 35) kiisalu ilitsersuinnermit (konto 38) tunnga-
sutigut akisussaasuuss**asoq**

Tamatuma saniatigut aamma siunnersuutigineqassaaq, aningaasaqarnermut ataatsimiititaliap oqalli-
sigissagaa tamatumalu kingorna ikaarsaariarnermi ataatsimiititaliamut akuereqqullugu siunnersuuti-
galugit

teknikkimut avatangiisinullu ataatsimiititaliaq imaluunniit inuutissarsiutitigut suliffissaqartitsiniar-
nikkullu ataatsimiititaliaq illuutinut inuutissarsiuteqarfiusunut (konto 36) akisussaasuuss**nersoq**.

aningaasaqarnermut ataatsimiititaliaq imaluunniit inuutissarsiutitigut suliffissaqartitsiniarnikkullu
ataatsimiititaliaq kommunep inuutissarsiutitigut peqataafiinut (konto 37) akisussaasuuss**nersoq**.

Ikaarsaariarnermi ataatsimiititaliap aningaasaqarnermut ataatsimiititaliaata suliamik sularinninnera
Ikaarsaariarnermi ataatsimiititaliap aningaasaqarnermut ataatsimiititaliaata oktoberip 2-aani 2008
suliaq sularivaa.

Innersuussut

Tulliuttut Ikaarsaariarnermi ataatsimiititaliamut akuereqqullugit innersuussutigineqassapput: aningaasaqarnermut ataatsimiititaliaq allaffissornermut tunngasutigut (konto 1) akisussaasuussasq teknikkimut avatangiisinullu ataatsimiititaliaq teknikkimut tunngasutigut (konto 2) akisussaasuussasq ilaqutariinnermut ataatsimiititaliaq isumaginninnermut tunngasutigut (konto 4) kiisalu konto 38.02 akisussaasuussasq ilinniartitaanermit, kulturimut sunngiffimmullu ataatsimiititaliaq atuartitaanermit kulturimullu tunngasutigut (konto 5) akisussaasuussasq teknikkimut avatangiisinullu ataatsimiititaliaq pilersuinermit tunngasutigut (konto 6) akisussaasuussasq teknikkimut avatangiisinullu ataatsimiititaliaq pilersuinermit tunngasutigut (konto 7) akisussaasuussasq aningaasaqarnermit ataatsimiititaliaq isertitanut ernianullu tunngasutigut (konto 8) akisussaasuussasq inuutissarsiutitigut suliffissaqartitsiniarnikkullu ataatsimiititaliaq suliffissaqartitsiniutinut tunngasutigut (konto 34), piginnaanngorsaanermit (konto 35) kiisalu ilitsersuinermit (konto 38) tunngasutigut akisussaasuussasq teknikkimut avatangiisinullu ataatsimiititaliaq illuutinut inuutissarsiuteqarfiusunut (konto 36) akisussaasuussasq aningaasaqarnermit ataatsimiititaliaq kommunep inuutissarsiutitigut peqataafiinut (konto 37) akisussaasuussasq

Aalajangiineq

Ikaarsaariarnermi Ataatsimiititaliaq aalajangerpoq suliassanik tigusinissami ataatsimiititaliaq kiisalu aatsitassatigut attaveqarnikkullu ataatsimiititaliaq, ataatsimiititaliaasut ataavartut.

Innersuussutigineqartut akuersissutigineqarput.

Ilanngussaq

1. Ikaarsaariarnermi ataatsimiititaliap ilaasortaasa politikkikkut akisussaaffiit agguataarnerini siunnersuutaannik takussutissiaq
2. Maniitsup, Sisimiut taamatullu Qeqqata Kommuuniisa kontoisa allattorsimaffiat akisussaaffinnik agguataarinertalik kiisalu Qeqqata Kommuniiani akisussaaffinnik agguataarinissamik siunnersuut.

Imm. 15 Kommunep unnuisarfia; Kangaamiut

Journalnr.

Tunuliaqutaq

Kangaamiuni namminersortoq Noah Filemonsens 2008-p qiteqqunnerani unnuisarfiutitaarpoq, tassungalugu atatillugu nunaqarfimmi aqutsisut aperisimallugit, kommunep unnuisarfiutaa nammineq ingerlatami ataanut inissinneqarsinnaannginnersoq, isumaqarami kommune namminersortunut unammillertussaangitsoq.

Maleruagassatigut tunngavissat

Pissutsit atuuttut

Kommunep unnuisarfiutaa sisamanik initalik kommunep allaffiata kælderiani inissisimavoq, kommunep sulisuinik nunaqarfiliarnerni atorluarneqartartoq. Napparsimmaveeqqap nammineq ineeraataa, nukissiorfiullu ineeraata eqqaassanngikkaanni, kisiartaasimavoq unnuisarfittut atortoq, taamaattumillu suliffeqarfinit allanit aamma atorniarneqartartoq. Unnuineq ataaseq 100 kr.-qarpoq unnuisunut tamanut.

Nunaqarfimmi aqutsisut kommunep unnuisarfiata matunissaa akerleraat.

Aningaasaqarnikkut allaffissornikkullu kingunerisinnaasai

Aningaasaqarnikkut annertunerusumik allannguutissaqaanngilaq, unnuisunit isertut matussusertarmassuk unnuisarfiup eqqiarneqarnera, errorsineq, eqqaavilerineq allallu ingerlatsinermi aningaasartuutit.

Allatseqarfiup aningaasaqarnermullu allatseqarfiup oqaaseqaatai

Allaffeqarfiup naliliinera

Suliffeqarfippassuit immikkut sulisuminnut unnuisarfeqartarput tamannalu ingerlaannartariaqarpoq, allaffimmiut, kommunep suliffeqarfiutaani sulisut tekniqeqarfiullu ataani sulisut nunaqarfimmi suliaqarnermini atortarmassuk.

Aningaasaqarnermut ataatsimiititaliami suliap suliarinera

Aningaasaqarnermi ataatsimiititaliap kommunemi sulisunut atugassatut unnuisarfiup ammaannar-nissaa inassutigaa. Taassuma saniatigut Noah-p unnuisarfiata ulikkaaqaneratigut unnuisarfik allanit atorniarneqarsinnaanera ilanngullugu inassutigineqarpoq.

Innersuussut

Maniitsoq Kommunalbestyrelsep nunaqarfimmi aqutsisut aningaasaqarnermullu ataatsimiititaliap inassuteqaatai Ikaarsaariarnermi ataatsimiititaliamit akuerineqarnissaat inassutigaa.

Aalajangiineq

Innersuussutigineqartoq akuersissutigineqarpoq.

Ilanngussaq

1. Noah Filemonsens-ip nunaqarfimmilu aqutsisup akornanni e-mail-ikkut allakkat
2. Nunaqarfimmi aqutsisut aningaasaqarnermut ataatsimiititaliamut inassuteqaataat
3. Kommunalbestyrelsep inassuteqaataa

Imm. 16 Tamalaat

Nukissiorfiit pillugit Naalakkersuisut siulittaasuata Ikaarsaariarnermilu Ataatsimiititaliat siulittaasuisa sisamaasut malunngornermi 14. oktober 2008-mi ataatsimeeqatigiinnerat pillugu Ikaarsaariarnermi Ataatsimiititaliap siulittaasua ilisimatitsivoq.

Oqaluuserisassat il.il. nassiussorneqaleraangata pappialat mumigiiaarlugit kopeerisoqartassaaq.

Ataatsimiinneq naammassivoq nal. 13.10